

Ҳақсевар она юрт, мангу бўл обод!

ТОШКЕНТ ҲАҚИҚАТИ

1928 йил 11 декабрда асос солинган

Вилоят
ижтимоий-сиёсий
газетаси

2020 йил
10 октябрь

ШАНБА
№ 68 (13329)

@haqiqatonline

Таълим тизими: Ислоҳот ва иштиқбол

АНГРЕН шаҳрида Президентимизнинг ўқитувчи ва мураббийлар кунига бағишланган тантанали маросимдаги нутқидан илгари сурилган вазифалар ижроси юзасидан "Келажакка йўл мактаб остонасидан бошланади" мавзусида давра суҳбати ўтказилди.



Шаҳар ҳокими Ш. Маҳмудов, шаҳар халқ таълими бўлими муdiri Р. Абдуқодирова, ўқитувчилар, ота-оналар ва жорий йилда олийгоҳларга ўқишга кирган талабалар иштирок этган тадбир таълим жараёнини сифатли ўқув

ресурслари билан бoйитиш учун салоҳиятли профессор-ўқитувчиларни жалб этиш, ёшларнинг олий таълим билан қамраб олинишини янада кенгайтириш, олий таълим муассасалари ўртасида соғлом рақобатни қўчайтириш ва ота-оналарнинг бу жараёнларда фарзандларига нисбатан талабчанлигини ошириш каби масалаларга бағишланди.

Таъкидлаш жоизки, шаҳардаги таълим муассасаларида олиб бoриладиган саъй-ҳаракатлар туфайли 2019/2020 ўқув йилида ангреник ёшлар фанлар кесимида ўтказилган олимпиаданинг вилоят ва республика босқичларида фаол иштирок этиб, юқори натижаларни қайд этишди. Шунингдек, "Йил ўқитувчиси" кўрик-танловидан икки нафар фан ўқитувчиси вилоят босқичида 1-ўринни қўлга киритиб, Республика босқичига йўлланима олди.

Маълумотларга кўра, жорий йил ҳудудда 2 минг 400 нафар битирувчидан 26 фоизи олий таълимга ўқишга қабул қилинган. Қолганлари техникум ва коллежларга жалб қилиниб, бандлигини таъминлашга кўмаклашилмоқда. Эъти-

борлиси, айрим ёшлар хориждаги олийгоҳларга ҳам қабул қилинган.

Тадбирда мутахассислар томонидан ўқитиш методлари, таълим стандартлари, дарслик ва ўқув қўлланмаларидан, илғор хорижий тажрибалардан фойдаланиш, тарбияда миллий анъаналарга суяниш муҳимлиги қайд этилди. Шунингдек, оиладаги таълим-тарбия муҳити, ота-оналарнинг масъулияти ва ўқитувчилар билан ҳамкорлиги масалаларига ҳам эътибор қаратилди.

Яқунда фаол ота-оналар ва иқтидорли ёшларга эсдалик совғалари топширилди.

Сухробжон САДИРОВ
Тошкент ҳақиқати/
Мансур ҲИММАТОВ
олган суратлар

Мандатдан кейинги ўйлар

Сўнги йилларда мамлакатимизда олий таълим муассасаларига кириш учун ёшларга бериладиган имтиёزلарни ўқишга бўлган иштиёқни оширишга қаратилган бир восита дейиш мумкин. Айниқса, бу йил хотин-қизлар, ҳарбийларнинг фарзандлари, имконияти чекланганлар учун грантлар ажратилди. Бундан ташқари, "Мард ўғлон" ва "Зулфия" мукофоти совриндорлари ҳам талабалар сафидан жой олишди. Бу яхши, албатта. Кўп қатори улар учун хурсандимиз. Бироқ, йиллаб репетиторга пул сарфлаб, юқори балл тўплаб ҳам талаба бўла олмаганларда имтиёз ва имтиёзлиларга нисбатан салбий фикр уйғонмоқда.

ИМТИЁЗ ИМКОНИЯТМИ ёки...

Ўқиган чиқарсиз, ижтимоий тармоқларда кўплаб блогерлар ҳам бундай имтиёзга хайрихоҳ эмасликларини билдиришмоқда. Ҳатто, халқ орасида шу мавзуда "қасида"лар ҳам пайдо бўлди:

"Орзуиңдир минг имтиёз ичра гумдон, талаба,
Шунча балл олиб ҳамки, бюджет армон, талаба,
Воҳ, нечун отанг бўлмади ахли орган, талаба..."

Вилоятимизда ҳам имтиёз асосида талабаликка қабул қилинганлар кўп. Уларнинг оддий абитуриент билан "жой" талашши қанчалик тўғри? Улар имтиёз олишга ҳақиқатан муносибми?

Бу саволларга жавобни имтиёз билан ўқишга кирган талабаларнинг ўзидан эшитинг:

Мухтасар КАРИМОВА,
Зулфия номидаги давлат мукофоти совриндори:

— 2018 йилда адабиёт йўналиши бўйича "Зулфия" номидаги давлат мукофотига сазовор бўлганман. Бу йил лицейни тамомлаб, Халқаро Ислон академиясининг "Филология" факультетига ҳужжат топширдим ва берилган имтиёздан фойдаланиб талаба бўлдим. Мукофотга келадиган бўлса, мен бу танловга ўқишга имтиёз олиш учун эмас, ози-қўлини қилган иходимни баҳолашлари, том маънодаги ўзбек қизи тимсолида бўлишни мақсад қилиб қатнашгандим. Ҳали бўлгачина грант асосида ўқишга киришим мумкинлигини билдим. Албатта, грант учун курашаётганларда норозилик бўлиши табиий. "Шу "Зулфиячи" бўлмаганда мен грантга кирардим", деганлар ҳам бор. Аммо, айна пайтда имтиёзим бор экан нега ундан фойдаланмаслигим керак? Лекин, бу имтиёз квота ичида бўлишини хоҳламас эдим...

Ҷоҳида ТОЖИЕВА, талаба:

— Хотин-қизларнинг олий таълим муассасаларида тахсил олишлари учун янада кенг имкониятлар яратиш мақсадида алоҳида ажратилган 4 фоизли қўшимча қабул кўрсаткичлари мазкур йўналишдаги яна бир муҳим қадам бўлди. Биз кам таъминланган оилалар рўйхатида турамыз. Дадам оламдан ўтганлар, онам уй бекасилар. Ўқишга кирганим билан контракт тўлашга қўрбимиз етмасди. Бир кунги шу имтиёз ҳақида газетада ўқидим ва Ўзбекистон Жисмоний тарбия ва спорт университетига ҳужжат топширдим. Волейбол спорт турига жуда қизиқганим учун шу йўналишни танладим. Жараёнда: "Агар контракт асосида ўқишга кирсанг, имтиёз билан грантга ўтсан", деб тушунтиришди. Имтихондан кейин 177 балл олиб, талаба бўлганимни билдим.

(Давоми 2-саҳифада)

Президент ташрифидан сўнг...

ОЙДИН ЙЎЛДАН ДИМЛАЁТГАН ОҚҚҮРҒОН

Оққўрғон туманида амалга оширилаётган бунёдкорлик ишлари ҳақида мақола тайёрлаш учун йўлга чиқар эканмиз, ҳаёлимиздан худуднинг илгариги қиёфаси ўта бошлади. Авваллари бу ерда маҳаллий раҳбарларнинг асосий эътибори фақат мўл ҳосил етиштиришга қаратилиб, аҳолининг турмуш тарзи, тирикчилиги билан деярли қизиқишмасди. Шу боис, йиллар давомида одамларнинг ишончи йўқолиб, ҳаётида муаммолар кўпайиб бораверди. Ишсизлик, ёзда чанг-тўзон, қишда лой кўчалар, палапартиш қўриб ташланган пасткам ва кўрimsиз уйлар, йўлларнинг абгор ҳолати ўзини "кўз-кўз қилиб" тураверарди...

ҲАЁТБАХШ ТАШАББУСЛАР

Президентимизнинг 2018 йилда туманга ташрифи бутун оққўрғонликлар ҳаётида муҳим тарихий сана бўлди, дейиш мумкин. Давлатимиз раҳбарининг туман ижтимоий-иқтисодий ҳаётига дахлдор топшириқлари худуд раванқида янги уфқларни очмоқда.

Утган йиллар давомида "Yoshlar — kelajakimiz" давлат дастури туман ёшлари ҳаётида туб бурилиш ясади. Ёшларнинг бизнес ташаббуслари, стартаплари, гоёлари ва лойиҳаларини рўёбга чиқаришга кўмаклашиш ва қўллаб-қувватлаш, уларни талаб юқори бўлган мутахассисликлар ва бизнес юритиш кўникмаларига ўқитиш ҳамда ижтимоий-иқтисодий фаоллигини ошириш орқали бандлигини таъминлашга қаратилган ушбу дастур Оққўрғон туманида ҳам хайрли ҳаракатлар бошланганига сабаб бўлди.

Томорқа — ҳазина

Меҳнатнинг нони ширин



Ўрта Чирчиқ туманидаги "Гулзор" маҳалласида истиқомат қилувчи Абдурасул ота Раззоқов кўп йиллар қишлоқ хўжалиги соҳасида ишлаган. У айна кексалик гаштини сурадиган чоғида ҳам шахсий томорқасидан унумли фойдаланиб, оила бюджетига мўмай даромад келтирмоқда.


— Уч йил олдин оиламиз билан намунавий лойиҳа асосида қурилган уйга кўчиб ўтдик, — дейди Абдурасул ота. — Ҳозирда олти сотих майдонда игнабаргли ва ёнғоқ дарахтлари кўчатларини ўстираяпмиз. Кўчатларимиз анча харидордир.

Ҳозир бу ерда узум ва анор, хурмо дарахтининг бир нечта навлари бор. Шу кунларда оила аъзолари томорқаларида етиштирилган қузги ҳосилни ййиғишмоқда.

Мансур ҲИММАТОВ
олган сурат

Вилоят бўйлаб

Ўзбекистон ёшлар иттифоқи Тошкент вилояти Кенгаши ва Мудофаа вазирлиги ҳамкорлигида **ЗАНГИОТА** туманидаги ички ишлар профилактика хисобида турувчи ёшлар ҳамда иқтидорли йигит-қизлар билан "Ҳарбий қисмга бир кун" лойиҳаси доирасида тадбир ташкил этилди.



ОҚҚҮРҒОН туманида ёшлар ва мактаб битирувчиларининг бандлигини таъминлаш, уларни касб-хунарга йўналтириш, "Устоз-шогирд" анъаналарини давом эттириш мақсадида хунармандлар меҳнат ярмаркаси ташкил этилди. Таълим муассасаларини тамомлаган 100 нафардан зиёд ёшлар иштирокидаги тадбирда унлаб йигит-қизлар заргарлик, тикувчилик, ҳайкалтарошлик, мебель ишлаб чиқариш соҳалари вакилларига шогирдликка қабул қилинди.

ОҲАНГАРОН туманининг "Телов" ва "Санам" маҳаллаларида "Кексалар ҳафталиги" доирасида маънавий-маърифий тадбир уюштирилди. Тадбир доирасида 60 нафар нуруний отахон ва онахонлар чуқурлаштирилган тиббий кўриқдан ўтказилди.

"ОПМАЛИК КМК"га 2 та "ISUZU русумидаги реанимобиль автомашинаси олиб келинди. Мазкур тез ёрдам автомашиналари мис эритиш заводи, мис бойитиш фабрикаси ва рух заводи жамоаларига топширилди. Эндилликда замонавий тиббий ускуналар билан жиҳозланган мазкур реанимобиллар ишчи-хизматчиларга малакали тиббий хизмат кўрсатади.

ҚИБРАЙ шаҳар-часи ва "Чинобод" маҳалласида 2 та хусусий боча фаолият бошлади. Ушбу таълим масканлари 60-70 нафар тарбияланувчига мўлжалланган. Муассасаларнинг ишга туширилиши билан 12 та янги иш ўрни яратилди.

Паркент туманидаги “Хўжа” маҳалла фуқаролар йиғинида истиқомат қилувчи Хижола ая Усмонова табаррук 102 ёшни қарши олдилар.

Юз билан юзлашганлар БИР АСР ХИЖОМАТИ



Онахон юз ёшдан ошган бўлсаларда, кўз тегмасин, ҳали ҳам тетилар. Хонадонларига йўқлаб борганимизда биз билан беамалол суҳбатлашиб, ўз ҳаётлари

ҳақида гапириб бердилар. — Шукр, шундай дориламон замонда яшаш менга ҳам nasib қилди, — дейди Хижола ая. — Қаранг, бугун юртимиз тинч, ҳаётимиз фаровон. Афсуски, бугун айрим ёшларимизга сабр-қаноат етишмаяпти. Шу сабабли, акрашиб кетаётган оилалар кўп. Баъзи келинлар меҳнатга, озгина қийинчиликка чидагиси келмайди. Ахир, меҳнат бахт, роҳат ва саломатлик олиб келадику. Биз очарчилик ва бошқа қийинчиликларни бошдан кечирганимиз. Шунда ҳам меҳнат қилишдан қочмай, ҳаётнинг аччиқ-чучуғини оила билан бирга енгдик.



Бандлик

Асал - таркибида Менделеев жаदвалининг барча элементлари мужжасан бўлган шифобахш неъмат экани ҳақида эшитган-сиз, албатта.

Асал ~ ҳар дарддан асгар

Бекобод туманида ҳам асаларчилик билан шугулланувчи тадбиркорлар йилдан йилга кўпаймоқда. Жумладан, “Дўстлик” маҳалласида яшовчи Санжар Боймуродов ҳали ёш бўлсада, асаларчиликда анчагина тажрибаси бор. Дастлаб ишни икки қути аридан бошлаган тадбиркор бугунга келиб, 30 қути асаларини парваришламоқда.

Иқтибос



...Ақлимни таниганимдан буён хотирамга учта илоҳий ҳолат муҳрланиб қолди. Булар: номоз ўқиётган мусулмон, газета ва журнал, китоб ўқиётган инсон, бола эмизаётган она... Мана шу уч ҳолат оламни тозартириб, нурлантдибу туради. Мана шу уч ҳолат дунёни қутқаради...
Зулфия МҮМИНОВА

Тилга эътибор "...Шунча бўлурми, ҳай-ҳай"

«Давлат тили ҳақида»ги Қонунни қабул қилиш осон кечмаганини ҳам, мустақиллик йилларида ўзбек тилини давлат тилига айлантириш йўлида амалга оширилган қатор чора-тадбирларни ҳам халқимиз жуда яхши билади.

давлатимиз раҳбари «Ўзбек тилининг давлат тили сифатидаги нуфузи ва мавқеини тубдан ошириш чора-тадбирлари тўғрисида»ги Фармонни имзолади. Унга мувофиқ, 21 октябрь юртимизда «Ўзбек тили байрами куни» деб белгиланди. Яқин кунларда шу санани нишонлаймиз.

Аммо, ушбу ўтган йиллар ичида ўзбек тили чиндан ҳам давлат ва халқ тили даражасига эриша олдимми? Бу савол бугунги кунда ҳам долзарб бўлиб қолмоқда.

Бироқ, олдимида бир қанча ўз ечимини кутаётган муаммолар мавжуд. Биринчи навбатда кўчаларга ўз ҳолича илиб ташланган “эълон”ларга қарши эътибор қаратиш керак. Ахир, юртимизга келган меҳмонга сайёҳларнинг қўши аввало шу ёзувларга тўшадими?! Улардан айримларини кўрганда, ҳатто, “илҳом”ингиз келиб, шигир ёзворасиз...

Буюклар дафтаридан

Дўстлик иллари қариндошларниқидан мустаҳкамроқ, чунки дўстларни ўзимиз танлаймиз, қариндошларни эса бизга тақдир етказди.

Бокаччо

Уч хил худбинлар бўлади: ўзи яшайдиган ва бошқаларга ҳам яшашига имконият берадиганлар; ўзи яшайдиган ва бошқаларни яшашига кўймайдиган худбинлар; ва ниҳоят, ўзи ҳам яшамайдиган ва бошқаларни ҳам яшашига кўймайдиган худбинлар.

Иван Тургенев

Дунёдаги ҳеч бир халққа бошқа халқдан нимаси биландир устун бўлиш қобилияти берилган эмас.

Годхольд Лессинг

Агар биз бутун дунёда тинчлик ўрнатишни истасак, ишни болалар тарбиясидан бошлашимиз зарур.

Махатма Ганди

Агар сенга руҳий касалликлар шифохонасидан жавоб берган бўлсалар, ҳали бу сени даволандир дегани эмас. Сен фақат ҳамма қатори бўлдинг, холос.

Янина Ипохорская

Ўзини ўзи мақтанингни иккита усۇли мавжуд: биринчиси – ўзи тўғрисида яхши гапириш, иккинчиси – ўзгалар тўғрисида ёмон гапириш.

Гельцевий

“ЭНДИ БУЗИЛИШ БАРТАРАФ ЭТИЛАДИ”
Пулга тўлса буш ҳамён – “Бузилиш” бўлмапти.
Робот бўлса таржимон – Уэр, иши... бўлмапти.

“ЧИҚИШ ЭХТИЁТ ЙЎЛИ”
Огоҳ бўлинг, “Чиқиб эхтиёт йўли”, Қаршингиздан чиқиб қолиши мумкин. Бу-ку майли, саводсизлик балоси, Тождор дарддек юқиб қолиши мумкин.

“КУМИР БОР”
Эшитмадим деманглар, Бизда яхши “КУМИР” бор! Бир ҳарфни “безшапка” Ёсанг, қанча “юмор” бор.

“НА СЕБЯ – УЗИНГИЗГА!”
Сиздек санам ишлайдиган дўконга – Ёзиб қўйдим: “На себя – узингизга”. Тилмочлик осони мендек ўғлонга – Тижилиб турганда қош-қўзингизга.
Тўхтамурод ҲАСАНБОВ

БИРИНЧИ ГОЛ ВА САККИЗИНЧИ МАҒЛУБИЯТ
Футбол бўйича Ўзбекистон миллий терма жамоаси 8 октябрь кун Тошкентда Эрон терма жамоасига қарши ўртоқлик учрашувида майдонга чиқди.

Баҳсда ҳамюртларимиз 1:2 ҳисобида мағлуб бўлишди. Терма жамоамизнинг ягона голига Элдор Шомуродов муаллифлик қилди ва эронликларга қарши ўз майдонимизда гол урган илк футболчи сифатида тарихга кирди. Шу пайта қадар майдонларимизда форсларга гол уриш насиб қилмаган эди. Яъни, умумий учрашувларда жамоамиз охириги мартаба 2012 йилда эронликлар дарвозасини ишғол қилганди. Эронда ўтган ўша учрашувда Улуғбек Бақоев томонидан киритилган ягона гол термамизга тарихий ғалабани тақдим қилган эди. Охириги ўйин жамоамизнинг эронликларга саккизинчи бор ютқазшидир.

“ДЎСТЛИК”НИ ЭСЛАЙСИЗМИ?
Ўзбекистонда футбол чемпионати асос солинганига ҳам 28 йилдан ошди. Шу вақт мобайнида қанчадан қанча клублар ташкил топди, айрим жамоалар фаолиятига нуқта қўйилди. Ҳатто, баъзи жамоалар чемпионатларда ранг-баранг ўйинлар кўрсатиб, мухлислар хурматига сазовор бўлишди. Шундай жамоалардан бири, ўз вақтида анча ном қозонган вилоятимизнинг “Дўстлик” клубидир. Келинг, шу жамоани бир эслайлик.

Мазкур клуб 1963-1991 йилларда “Политотдел”, 1992 йилда “Политотдел-руор”, 1993-1995 йилларда яна “Политотдел” ва 1996-2003 йилларда эса “Дўстлик” номи остида чемпионатларда иштирок этган.

Жамоа дастлабки йиллардан кўлаб ёш футболчиларни ўзига жалб қилиб, улар учун тренинг вазифасини бажарган. Ўз вақтида ёшлар жамоасида Европа чемпиони бўлган, “Пахта-79”нинг юлдузи вакилларида бири Михаил Ан шулар жумласидандир.

Дастлабки йилларда жамоа асосан биринчи лигада иштирок этарди. Клубнинг олтин даври “Дўстлик” номини олганидан сўнг бошланган. Айниқса, XX асрнинг охири жамоа учун омадли келади. Яъни, 1999-2000 йилларда кетма-кет Ўзбекистон чемпионатида тенгсиз бўлишган. Бундай натижага ҳали бошқа бирор вилоят клуби эришмаганини алоҳида таъкидлаб ўтиш жоиз.

Бундан ташқари, 2000 йилда Ўзбекистон кубоги мусобақаларида ҳам зафар кўчишган. Жамоа етакчиси Жаъфар Ирисметов 2000 йилги чемпионатда 45 та гол билан яқка тўпулар бўлган. Эътиборлиси, 28 йил ичида Ж. Ирисметовдан бошқа бирор футболчи чемпионат баҳсларида у қадар сермахсуллик намойиш этмаган.

Афсуски, 2001 йилдан жамоа ўйинида пасайиш кузатилади. Охир-оқибат

ЯРИМ ҲИМОЯЧИГА ЯХШИ ТАКЛИФ
Ўзбекистон терма жамоаси ва “Пахтакор” клуби ярим ҳимоячиси Жалолиддин Машариповга Қатар клубидан аниқ таклиф келди.

Маълумотга кўра, “Қатар СК” клуби Машариповни сотиб олиш учун 1 миллион АҚШ доллари таклиф қилган. “Пахтакор” эса футболчиси учун 2 миллион доллар сўраган.

Олдинроқ Қатарнинг амалдаги чемпиони “Ал-Садд” клуби ҳам ярим ҳимоячимизга катта қизиқиш билдирган, клуб мураббийи Хавининг шахсан ўзи Машариповга кўнғироқ қилиб, уни жамоасида кўрмоқчилигини айтганди.

Эслатиб ўтамиз, “Қатар СК” сафида ўзбекистонлик Сардор Рашидов тўп төкмоқда.

	Муассис: ТОШКЕНТ ВИЛОЯТИ ҲОКИМЛИГИ	Бош муҳаррир Ғайрат ШЕРАЛИЕВ	Телефонлар: Қабулхона: (71) 233-64-95 Бош муҳаррир уринбосари: (71) 233-70-10 Масъул котиб: (71) 233-90-82 Бўлим муҳаррирлари: (71) 233-38-23, (71) 233-48-08 Эълонлар ва ҳисоб-китоб бўлими: (71) 233-54-10	Манзилими: 111500, Нурафшон шаҳри, Тошкент йўли кўчаси, 90. Тошкент шаҳридаги офисими: 100000, Матбуотчилар кўчаси, 32. <i>Ҳафтанинг чоршанба ва шанба кунлари чиқади.</i>	Навбатчи муҳаррир Кумуш ЭГАМБЕРДИЕВА Назоратчи мусаҳҳиҳ Аллома АЗИЗОВА Навбатчи Сухробжон САДИРОВ /Тошкент ҳақиқати/
--	---	---	--	--	---

Газета «Тошкент ҳақиқати» тахририяти компьютер марказида терилди ва Тоҳир Маҳмудхўжаев томонидан саҳифаланди. «ШАРҚ» нашриёт-матбаа акциядорлик компанияси босмаҳнасида босилди. Корхона манзили: Тошкент шаҳри, Буюк Турон кўчаси, 41-уй.
Электрон почта: toshkenthqiqat@umail.uz